

TILMÆLI RÁÐSINS**frá 7. apríl 1995****um samræmdar viðmiðanir við mat á öryggi í upplýsingatækni(*)****(95/144/EB)****RÁÐ EVRÓPUSAMBANDSINS,**

sem hefur hliðsjón af stofnsáttmála Evrópubandalagsins, einkum 235. gr., sem hefur hliðsjón af tillögu framkvæmdastjórnarinnar,

sem hefur hliðsjón af álitum Evrópuþingsins ⁽¹⁾,

sem hefur hliðsjón af álitum efnahags- og félagsmálanefndarinnar ⁽²⁾,

og sem tekur tillit til eftirfarandi:

Bandalagið setur sér það verkefni, með því að koma á sameiginlegum markaði og samræma smám saman efnahagsstefnu aðildarríkjanna, að stuðla að samræmdri þróun atvinnustarfsemi í gervöllu bandalaginu, varanlegri og samstilltri útfærslu, auknum stöðugleika, hraðari sókn til bættra lífskjara og nánari tengslum á milli aðildarríkjanna.

Rafrænar gagnabankar og rafræn meðhöndlun upplýsinga gegnir æ mikilvægar hlutverki í félagslegu og efnahagslegu tilliti.

Öflug altæk samskipti og almenn notkun rafrænna upplýsinga undirstrikar þörfina á fullnægjandi verndun.

Evrópuþingið hefur margsinis í umfjöllun sinni og ályktunum lagt áherslu á hve mikilvægt er að upplýsingakerfi séu örugg.

Efnahags- og félagsmálanefndin hefur lagt áherslu á að taka þarf afstöðu til þeirra atriða í ráðstöfunum bandalagsins sem varða öryggi upplýsingakerfa, einkum með tilliti til áhrifa á tilkomu innri markaðarins.

Framkvæmdastjórnin hefur komið með tillögum um aðgerðir er varða gagnavernd og öryggi upplýsingakerfa ⁽³⁾.

(*) Þessi EB-gerð, sem birtist í Stjtið. EB nr. L 93, 26. 4. 1995, bls. 27, var nefnd í ákvörðun sameiginlegu EES-nefndarinnar nr. 7/96 frá 29. febrúar 1996 um breytingu á XI. viðauka (Fjarskiptaþjónusta) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

⁽¹⁾ Stjtið. EB nr. C 176, 28. 6. 1993, bls. 37.

⁽²⁾ Stjtið. EB nr. C 73, 15. 3. 1993, bls. 19.

⁽³⁾ Stjtið. EB nr. C 277, 5. 11. 1990, bls. 3.

Öryggi upplýsingakerfa er svo flókið mál að nauðsynlegt er að setja ákvæði sem gera frjáls skipti á upplýsingum innan innri markaðarins möguleg og tryggja öryggi slíkra kerfa í gervöllu bandalaginu.

Þessi tilmæli hafa ekki áhrif á ákvæði aðildarríkjanna er varða almannaöryggi og allsherjarreglu.

Ábyrgð aðildarríkjanna á þessu sviði liggur í því að tekin sé upp samræmd stefna sem byggist á nánú samstarfi við háttsetta embættismenn frá aðildarríkjunum.

Samræmdar viðmiðanir við mat á öryggi í upplýsingatækni eru mikilvægur liður í að skapa grunn að gagnkvæmri viðurkenningu á vottorðum milli landa.

Aðgerðir á vegum einstakra landa, alþjóðasamtaka og bandalagsins skapa góðan grunn að samhæfingu á vettvangi bandalagsins og að gerð alþjóðlegra samninga.

Samráð hefur verið haft við ráðamenn á því sviði sem hér um ræðir. Nefnd háttsettra embættismanna um öryggi upplýsingakerfa (SOG-IS) hefur lagt til að notaðar verði samræmdar viðmiðanir við mat á öryggi í upplýsingatækni.

Þessar viðmiðanir eru nauðsynleg forsenda þess að komið verði á innri markaði fyrir örugga framleiðslu á sviði upplýsingatækni. Með slíkum viðmiðunum fæst einnig stærðarhagkvæmni.

Notkun sameiginlegra viðmiðana er jafnframt forsenda þess komið verði á fót öruggum samevrópskum viðföngum og þjónustu.

Þessum markmiðum verður ekki náð ef notaðar eru mismunandi viðmiðanir í hverju aðildarríki um sig og innan hvers atvinnuvegar.

Setning frekari viðmiðana krefst margháttaðra tvíhliða aðgerða milli aðildarríkjanna og leiðir til verulegra tafa og þyngslalegra aðgerða, þar á meðal fjölmargra viðræðufunda, sem unnt er að komast hjá með samræmdri aðgerð á vettvangi bandalagsins.

LEGGUR TIL EFTIRFARANDI:

1. að á tveggja ára bráðabirgðatímabili verði viðmiðanir við mat á öryggi í upplýsingatækni (Information Technology Security Evaluation Criteria - ITSEC) ⁽¹⁾ notaðar sem liður í vissum mats- og vottunarkerfum, til að unnt sé að mæta tímabundinni þörf fyrir mat og vottun í tengslum við viðskipti með og notkun á framleiðslu, kerfum og þjónustu á sviði upplýsingatækni;
2. að undir forystu nefndar háttsettra embættismanna um öryggi upplýsingakerfa (SOG-IS) sé unnið að alþjóðlegri samhæfingu og stöðlun á viðmiðunum við mat á öryggi í upplýsingatækni;
3. að á umræddu bráðabirgðatímabili eða, ef nauðsyn krefur, uns eining hefur náðst um samhæfingu og stöðlun á alþjóðavettvangi, geri aðildarríkin eða stofnanir sem þau tilnefna með sér samkomulag um tvíhliða og helst evrópska eða alþjóðlega gagnkvæma viðurkenningu á vottorðum um öryggismat;
4. að þegar umrætt bráðabirgðatímabil er liðið fari fram mat á og, að höfðu samráði við embættismannanefndina (SOG-IS), séu lagðar fram tillögur að viðeigandi aðgerðum er byggja á fenginni reynslu og árangri sem hefur orðið af samhæfingarvinnu á alþjóðavettvangi.

Gjört í Lúxemborg 7. apríl 1995.

Fyrir hönd ráðsins,

J. ROSSI

forseti.

Tilkynning til lesenda

Unnt er að nálgast viðmiðanirnar við mat á öryggi í upplýsingatækni (ITSEC), sem um getur í 1. tölul. tilmæla ráðsins frá 7. apríl 1995 um samræmdar viðmiðanir við mat á öryggi í upplýsingatækni, og eru birtar í þessu hefti Stjórnartíðindanna, með því að snúa sér til framkvæmdastjórnar EB (Stjórnardeild (DG) XIII/B.6 INFOSEC).

⁽¹⁾ Sjá viðauka við lokaútgáfu COM(92) 298.